

բարք ու վարքի մէջ միշտ եղել է զանազանութիւն, բայց նրանց մէջ երբեք չէ եղել այնպիսի անմիտարանութիւն, հակակրօնութիւն և թշնամութիւն, որոնք այժմ գարգանում են, մասնաւոր այն ժամանակից, երբ իշխան Բիսմարկ ձեռնամուխ եղաւ իր տնտեսական նոր քաղաքականութեանը: Բանը նրանումն է, որ այդ քաղաքականութեան մի քանի ձեռնարկութիւնները շահաւէտ են հիւսիսային գերմանացիների մի քանի դասերի համար և մի և նոյն ժամանակ չափազանց ծանրանում են հարաւային Գերմանիայի ազգաբնակչութեան վրա: Այդ ձեռնարկութիւններից մէկը հացի հարկն է և Աւստրո-Ունգարիայից ձիաներ և տաւար բերելու արդիւնքը: Այլիսայի և հողի պայմանների պատճառով հիւսիսային անասունները, մասնաւոր աշխատողները, պիտանի չեն հարաւային պետութիւնների համար, որոնց բնակիչները ստիպված են իրանց անասունները Շվեյցարիայի մէջ գնել, որ շատ թանկ է նստում, կամ աւստրիական անասունները Շվեյցարիայից անցկացնել, որ աւելի էլ շատ ծախս է պատահում: Նորերումս Վիւրտեմբերգի գիւղատնտեսները, որոնցից շատերը Աւստրիային սահմանակից կալուածներ ունեն, գիւմեցին իրանց կառավարութեանը, խնդրելով թող տալ նրանց, որ գոնեա իրանց կալուածներից անասուններ բերեն կառավարութիւնը կայսերական օրէնքի հիման վրա մերժեց նրանց խնդիրը և աւելացրեց հետեւեալ նախագաւառութիւնը. «Վիւրտեմբերգի հպատակներից նրանք, որոնք կամենում են իրանց աւստրիական կալուածներից տաւար բերել, պարտաւոր են անցկացնել անասուններին Շվեյցարիայից»: Հասկանալի է, որ այդպիսի պատասխանը անհերք է դարձնում Վիւրտեմբերգի կառավարութեան անզօրութիւնը, կայսերական կառավարութեան անտարբերութիւնը և մի և նոյն ժամանակ վատ տպաւորութիւն է գործում հպատակների վրա: Մի թողաւոր կամենում է մի բան անել, բայց չէ կարող, միւսը կարող է, բայց չէ անում: Գրանցից յետոյ ինչպէս կը մնայ միապետական զգացմունք: Նոյն տպաւորութիւնը գործում են գարնջի, օղիի և զինու շտապարած և դեռ էլ շտապարանի հարկերը. այդ բոլոր հարկերը ծանրանում են հարաւային ազգաբնակչութեան վրա, մինչդեռ օղիի հարկը, որ իշխան Բիսմարկին ցանկալի չէ, ընդհակառակը կը ծանրանար հիւսիսային ազգաբնակչութեան վրա: Այդ բոլորը գրպանին է վերաբերում, իսկ գրպանի շահերի առաջ, ինչպէս յայտնի է, զգացմունքները ոչինչ նշանակութիւն չունեն: Ես չեմ էլ լսօսի Ֆրանկֆուրտ, Համբուրգ և Բրեմեն ազատ քաղաքների մասին, որոնցից առաջին երկուսը արդէն զրկվել են և վերջինն էլ շուտով կը զրկվի դարեւոր ազատութիւններից, որոնք խլված են մասամբ բացարձակ և մասամբ վատ քաղաքական բնութիւններով, Հասկանալի է, որ այդ ազատ քաղաքների ազգաբնակչութիւնը երբեք չէ կարող միապետական զգացմունքներ ունենալ:

Բայց գուցէ հարաւային Գերմանիայի մէջ ոչնչացող այդ զգացմունքը արմատանում է հիւսիսային Գերմանիայի մէջ, այսինքն Պրուսիայի մէջ: Բայց այդպիսի երկուսը էլ չէ նկատվում: Սկզբունքները հէնց նրանով են նշանաւոր, որ նրանց անպատիժ օտանակոն անել չէ կարելի: Ով որ կամենում է յայտնի սկզբունքը մաքուր և անձեռնամուխ պահել իր տան մէջ, նա նոյնը պէտք է յարգէ և զբաղիներ ի մաս: Պրուսիան չափազանց մեծ եռանդով գահ-

ընկեց էր անում իր թոյլ հակառակորդներին և անուշադիր էր թողնում իր նոյնչափ թոյլ դաշնակիցներին, որպէս զի այդ բոլորը չազդէր պրուսական ազգաբնակչութեան վրա: Պէտք է միայն լսել, թէ ինչպէս բուն պրուսացիները դատում են գերմանական թագաւորների և այն բանի մասին, որ իշխան Բիսմարկ նրանց չէ այցելում, այլ ընդունում է իր մօտ Արժէ տեսնել, թէ այստեղի փողոցային աղաները ինչպիսի արձուկով վազում են թագաւորոջ իշխանների կառքերի ետեւից, երբ նրանք որ և է հանդիսի պատճառով հաւաքվում են Բերլինի մէջ, ինչպէս ծածկում են այդ աղաները իրանց դէմքերը, իսկ իշխանները դուրս են տալիս, իբր թէ ոչինչ չեն նկատում: Բաւական է այս բոլորը տեսնել համոզվելու համար, որ այստեղ էլ միապետական սկզբունքը բացակայ է: Գեռ և սկայ յարգանք դէպի թագաւորոջ տունը, դէպի նրա այժմեան ներկայացուցիչը և դէպի ժառանգը, բայց յարգանք և հաւատ դէպի սկզբունքը բոլորովին չը կայ: Գրա վերաբերութեամբ կարելի է հաստատ աւել, որ Պրուսիան իր նուաճողական և բռնի կենսութեան քաղաքականութեամբ ինքը աւելի շատ վնասեց միապետական սկզբունքին, քան թէ ամբողջ աշխարհի սօցիալիստները միասին վերցրած: Իսկ պրուսական առաջնակարգ քաղաքացիներին աւելի շատ նպաստեց այդ գործին իշխան Բիսմարկ, որ ամբողջ պետութեան և աշխարհի առաջ իր կամքը թէ օրէնքից և թէ միապետական սկզբունքից բարձր է դատում:

ԹԻՒՒՔԻՍ

«Մասիս» լրագրում կարդում ենք հետեւեալը:

Վանէն մայիս 21 թւով «Levant Herald» լրագրին ուղղեալ նամակ մը կը հաստատէ մեր Վանայ թղթակցաց երկու շաբաթ առաջ տուած այն լուրը թէ տեղական կառավարութիւնը կասկածով կը նայի Ռուսիա դնացող կամ Ռուսիայէն եկող հայոց վրա: Պօզոս վարդապետին էջմիածին երթալը Վանայ կուսակալութեան արգիլուել է: Վ. Պօզոսն եկած հրամանոյ վրա, զգուշական ուրիշ խիստ միջոցներ ի գործ կը դրուին Վասպուրականի հայոց նկատմամբ:

Նոյն լրագրում կարդում ենք և հետեւեալ տողերը:

Մամուրանցի քիւրդք, որք անցեալ տարի Նորտուզի գաւառին մէջ հայոց Գողան գիւղը կողպտել ուզած, բայց հայ զիւղացոց կողմէ խիստ ընդդիմութիւն մը տեսած էին, այս անգամ մեծ թւով մի նոր յարձակում ընելու կը պատրաստվին եղեր, իրենց առջի պարտութեան վրէժը լուծելու համար: Թղթակցը կրէ թէ շատ դէպիտի լինի այդ զիւղացոց վիճակն, եթէ քիւրդք այս անգամ յաջողին: Այս օրինակ արտասովոր պարագայից մէջ հայ գիւղացիք լաւ կընեն եթէ միաբանութեամբ դէմ դնեն այդ անօրէն աւազակներուն, որք ոչ տէրութեան օրէնքը կը յարգեն, ոչ ալ ժողովրդեան կենքը, պատիւը և ինչքը, մանաւանդ երբ ոստիկանական և զինուորական զօրութիւն չը գտնուի նոյն ժամոյն պաշտպանելու գիրենք:

ԲՈՒՊԱՐԻՍ

Բոլգարական ազգային մեծ ժողովի

քուէարկութեանց յետոյ իշխան Ալէքսանդր հրատարակեց հետեւեալ շրջաբերականը:

«Իմ սիրելի ժողովուրդ, քանի որ բոլգարական ժողովուրդը հանդիսւոր կերպով վճռեց այն խնդիրը, որ ես նրան առաջարկեցի, ես պարտաւոր եմ իմ թանգազին հայրենակիցներին և հաւատարիմ հպատակներին շնորհակալութիւն յայտնել նրանց ցոյց տուած հաւատարմութեան համար: Իմ վերջին ձանապարհօրդութեան ժամանակ ժողովրդի ցոյց տուած հաւատարմութեան զգացմունքները, որոնք հաստատուեցան բոլգարական ազգային ժողովի քուէարկութեամբ, առիթ տուին ինձ չը փոխել իմ դիտաւորութիւնը և առաջնորդել բոլգարական ժողովրդին, որպէս զի նրան հասցնեմ ցանկալի նպատակին: Այսօր նոր դարեկուտ սկսելով, ես աւելի լաւ եմ համարում մտացութեան տալ անցեալը նրա վատ յիշատակներով և յայտնել հասարակութեանը այն գաղափարները և սկզբունքները, որոնց կը հետեւի իմ կառավարութիւնը: Մեր երկրի մէջ այնպիսի մարդիկ կան, որոնք աշխատում են ժողովրդի մէջ կասկած սերմանել, լուր տարածելով, իբր թէ ես դիտաւորութիւն ունեմ խել բոլգարացիների ազատութիւնը և իրաւունքները: Հանդիսւոր կերպով յայտնում եմ ձեզ, որ ես այլ նպատակներ չունեմ, բացի այն, որ ապահովեմ ձեր ազատութիւնը և իրաւունքները: Այն իրաւունքները, որոնց այսօր ինձ տուին բոլգարացիները, ես այն նպատակով պահանջեցի որպէս զի հետացնեմ երկրի հաստատ կազմակերպութեանը խանգարող արդիւնքները, որպէս զի վերջ դնեմ անկարգութիւններին, կամայականութեամբ և բռնութիւններին և վերականգնեմ ընդհանուր ազատութեան օրինաւոր պաշտպանութիւնը: Սրանք են իմ կառավարութեան սկզբունքները և նրա պատակները: Հասարակական կարգապահութիւնը կը հիմնվի ժողովրդական այն իրաւունքների վրա, որոնք բացատրված են սահմանադրութեան մէջ: Ես իմ պարտականութիւնը կը համարեմ իւրաքանչիւր տարի հրախրել ժողովրդի ներկայացուցիչներին երկրի և մտաքի և հարկերի բեւաբեւը քննելու համար: Երկրի ժողովրդի գինու հարցի մէջ, որ միջազգային բնութարմութիւն ունի, ժողովուրդը վճռողական ձայն կունենայ: Փորձը մեզ ցոյց տուեց, թէ ինչպիսի բարեկաւութիւններ և վերանորոգութիւններ պէտք է մտցնվին մեր պետական կազմակերպութեան մէջ: Իմ կառավարութեան գլխաւոր յատկութիւնը եռանդը կը լինի, իսկ նրա գլխաւոր պարտականութիւնը՝ երկրի կազմակերպութիւնը իմ յայտնած սկզբունքների համեմատ: Կառավարութեան գլխաւոր ուշադրութիւնը գարնած կը լինի այն ցաւերի վրա, որոնցից վնասված է Բոլգարիան և սրանց վրա տարաբար պահանջներ մնալուց: Այդ պատճառով կառավարութիւնը ամենից առաջ կը գործադրի այն վերանորոգութիւնները, որոնք անհրաժեշտ են բոլգարական ժողովրդի բարօրութեան համար: Պետական ծառայութիւնը կը հիմնվի պաշտօնականների բարեխիղճ ընտրութեան վրա: Ես բուն ջանքներով կաշխատեմ գարգացնել ազգասիրութիւնը, ուշադրութիւն չը դարձնելով կուսակցութիւնների վրա, որոնք երկու տարի շարունակ երկրին վնաս էին հասցնում: Կիմում եմ այն բոլոր մարդկերանց, որոնց համար հայրենիքը և նրա ապագան թանկ է: Հրախրում եմ ամենքին հաւաքվել իմ շուրջը, որպէս զի լու-

ծեք այն խնդիրը, որ մեզանից պահանջում է ժամանակը: Հարցը Բոլգարիայի առաջադիմութեանը, բողաւորութեանը, փառքին և հօգորութեանն է վերաբերում: Բոլգարացի ազգասէրների օգնութիւնից է կախված, որ մեք շուտ հասնենք մեր նըպատակին: Մենք պէտք է արժանի հանդիսանանք այն սիրոյն, որ միշտ ունեցել են դէպի իրանց ազատած եղբայրները սուսաց կայսրը և սուսաց ժողովուրդը, պէտք է արժանի հանդիսանանք այն ահագին գոհերին, որ բերեց Ռուսաստանը և այն համակրութեանը, որ ցոյց է տալիս մեզ եւրօպան ևս շատ լաւ հակառակ եմ ինձ վրա դրած պատասխանատուութիւնը, բայց ես հաւատացած եմ, որ Աստուծու և Բոլգարական ժողովրդի օգնութեամբ ես լաւ կը կատարեմ իմ պարտականութիւնը:»

«ՄՇԱԿԻ» ՊԱՍՏՍՈՒՄՆԵՐ

— ԱԼԷՔՍԱՆԳՐԱՊՈԼ, Ա. Ա. Ինչ մեծ նշանակութիւն էք տալիս այն լուրին թէ պատգամաւորներից միայն մինը ներկայացաւ Վեհափառին: Արդէն հերթիցաւ այդ լուրը, համոզվեցանք որ ոչ մինը չը կարողացաւ ներկայանալ, ոչ բժիշկը, ոչ էլ հասարակ մահկանացուները: Ի՞նչի այդքան վրդովմունք այդ լուրի պատճառով: Կարծես թէ լրատուն մարդ է ըսպանել, կամ մի այլ յանցանք է գործել ասելով որ միայն բժիշկն է ընդունվել: Եւ որքան գեղեցիկ էր բժիշկի պատասխանը: Երբ Ալէքսանդրապոլում նիւթ չը կայ գրելու համար:

— ԻՊՊՐԻ, 2. Յուլիոս 5-ի երեկոյ ներկայացման մասին երեք ահագին նամակ ենք ստացել: Բայց տակ ենք միայն մի լուր: Այդ էլ շատ է «Արշակ II-ի» համար:

— ՊՈԼՏԱՎ, Մեր միակ բաժանորդին: Լըրագիրը ձեզ ճշգրտութեամբ ուղարկվում է, գրքերի փողոն էլ յանձնեցինք ում հարկն է, բայց եթէ ճշտութեամբ չէք ստանում լրագիրը, կամ գրքերը ձեզ չեն հասել—մենք ինչ անենք, իսկ թէ դուք մեզ սպասում էք որ կը գանգատվեք մեր մասին—որքան յիշում ենք, Թիֆլիսի նախագահապետին,—այդ ձեր կամքն է:

— ՄԱՆԳՐԱՅ, Բ. Լ. Դառ հեշտ է 25 կօպէկ ուղարկել «Экономическое положение» բրօշուրի համար. հարկաւոր է վեր առնել փոստի մարկաներ 25 կօպէկի, գնել մի կտոր թղթի մէջ, թուղթը գնել ծրարի մէջ, ծրարի վրա կպցնել դարձաւ մի 7 կօպէկանոց մարկա, հասցէն գրել Тифлисе, редакция «Мшакъ» և ուղարկել: Ուրիշ ոչինչ:

«ՄՇԱԿԻ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՑ

1,05705, 13 յունիսի: Լրագիրները հաղորդում են, որ Լիվերպուլի պոլիցիան բռնակ է նիւ-նօրից երկու շաբանակերով բերած տասերեւո զժողային մեքենաներ դիւնամիտով լցրած և վեց ժամի լարուսն ունեցող մեքենայով:

Ս. ՊԵՏԵՐՔՐՈՒՐԳ, 13 յուլիսի Պետական բանկի 5% տոմսեր առաջին շրջանի տրոժէ 95 ռ. 75 կ., երկրորդ 94 ռ. 50 կ., երրորդ 94 ռ. 75 կ., չորրորդ 94 ռ. 37 կ., ներքին առաջին 5% փոխառութեան տոմսակը արժէ 222 ռ. 75 կ., երկրորդ 222 ռ., արեւելեան առաջին փոխառութեան տոմսակը արժէ 91 ռ. 75 կ., երկրորդ 91 ռ. 75 կ., երրորդ 91 ռ. 75 կ., սակի 7 ռ. 82 կ.: Ռուսաց 1 ռուբլ Լօնդոնի վրա արժէ 25,19 պէնս, սուսաց 100 ռ. Համբուրգի վրա արժէ 215 մարկ 75 պֆ., Փարիզի վրա արժէ 275 Փրանկ 50 սանտիմ: Բորսայի տրամադրութիւնը ամուր է:

Խմբագիր—հրատարակող ԳՐԻԳՈՐ ԱՐՇՐՈՒՆԻ